

ad mensam Ecclesiæ Ravennæ pleno jure spectantem, pro 9 annis, incipiendo in vigilia beatorum Petri et Pauli apostolorum, pro afflictu ducatorum 43 singulo anno, alienatione quorumcumque bonorum et jurium dicti loci et villæ sibi penitus interdicta, et quod transacto novennio, dictum territorium, tenutas, possessionem ipsius loci, cum omnibus juribus, proprietatibus etc. pertinentiis universis debeat et omnino teneatur Ecclesiæ Ravennæ libere, simpliciter et expedite, sine ulla contradictione et oppositione dimittere et relaxare.

1472. XII kalendas junij. Sixtus IV pontifex confirmavit tenorem seu privilegium Ecclesiæ Ravennæ concessum per Honorium III papam, in quo ille confirmat Ecclesiæ ravennati territorium Ravennæ, Rovedolam, villam Sancti Pancratii, villam Sancti Archangeli, et villam Russi et Garbei et castrum Caxæ Muratæ, cum curtibus, jurisdictione et pertinentiis suis.

Per diaceptum vero sanctæ ravennatis Ecclesiæ, ultra prædicta, apparet, probatur et convincitur locum Caxæ Muratæ esse territorium Ravennæ, quia in folio 292 est quedam concessio emphiteotica dicens: in territorio Ravennæ plebatu Quinti, curte Caxæ Muratæ, scola et fundo Pompiani; et folio 295 dicitur: in territorio Ravennæ, plebatu Quinti seu Alfiani, scola Alfiani, fundo villæ Mannæ, curte Caxæ Muratæ; et folio 329, dicitur: in territorio Ravennæ, plebatu Sancti Zachariæ, in curte Caxæ Muratæ, fundo Maurani; et folio 330 dicitur: in territorio Ravennæ, plebatu Sancti Zachariæ, in curte Caxæ Muratæ; et folio 331, idem ut proxime ab utroque latere folii in pluribus postis; et folio 334 dicitur: in territorio Ravennæ, plebatu Sancti Zachariæ, fundo Paonis, curte Caxæ Muratæ in pluribus postis ab utroque latere folii; et folio 335 idem; et folio 336 et 336 idem; et folio 338, 339, 342, 343, 345, 346, 347, 348, 353 hoc idem apparet et probatur per plura alia diacepta aliarum ecclesiarum et monasteriorum Ravennæ, attestantia dictum locum Caxæ Muratæ esse territorium Ravennæ.

447

*Copia capitulorum inhitorum inter Christianissimum regem, et Catholicas majestates Hispaniæ.*

Ludovicus Dei gratia Francorum, Neapolis et Jerusalem rex, dux Mediolani, dominus Januæ, comes

*I Diarii di M. SANUTO — Tom. V.*

Astensis etc. universis et singulis præsentis litteras inspecturis notum facimus, quod inter nos ex una et serenissimos ac potentissimos principes Ferdinandum et Helisabeth regem et reginam Castellæ, Legionis, Aragonum, Granatæ etc. ex altera, fuerunt tractati, facti et conclusi, et facta et conclusa articula et capitula induciarum et treguarum tenoris sequentis:

In primis, fuit et est concordatum, quod sit bona secuta et legalis tregua guerræque abstinencia per tempus trium annorum inter altissimum et potentissimum principem Ludovicum regem Franciæ, ducem Mediolani et Christianissimum ex una, et altissimos et potentissimos principes et principissam Ferdinandum et Helisabeth regem et reginam Castellæ, Legionis, Aragonum, Siciliæ, Granatæ et Catholicos parte ex altera, tam per mare, terras, quam aquas dulces, pro ipsis et eorum omnibus regnis, patriis, terris, dominationibus, subditis alligatis et confœderatis in quibuscumque partibus existentibus, tam citra quam ultra montes, et signanter per totum regnum Siciliæ citra Farum, per mare et terram. Quæ quidem treguæ erunt communicativæ et mercantiles tali modo et forma, quod, durantibus illis, subditi et sequentes dictas partes seu alteram illarum, poterint ire et proficisci, mercari et vehi facere secure et sine aliquo impedimento personarum et bonorum suorum, omnes mercantias et bona quæcumque in omnibus partibus et qualibet ipsarum supradictorum principum, ibidemque morari, ire et redire, tam pro facto merchantiæ quam pro alia quamvis causa, promisso tamen, quod pretestu et sub umbra præsentis prædictæ treguæ, dicti commorantes, frequentantes, euntes et redeuntes hinc inde non facient neque procurabunt directe neque indirecte aliquid in præiudicium principis, in patria seu in partito cum ipsi se invenerint.

Item, fuit et est concordatum quod, durante dicta tregua, nulla executio sive aliquid guerræ expletum fiet hinc inde ab una parte neque ab alia in dictis regnis, patriis, dominationibus, nec illorum finibus, neque in prædicto Siciliæ citra Farum regno, quovismodo, per vim seu per risiam, clam neque palam seu alios per se aut interpositas personas, sed neque capientur hinc inde ab una parte nec ab alia aliquæ civitates, villæ, plateæ, oppida, fôrtilicia, minus que provisionarii nullius partiti, nec navigia nec alia bona per mare nec per terram, quin imo id quod invenietur captum, innovatum, qualicumque modo adiectis partibus, seu altera illorum, post diem quæ præsens tregua publicabitur, ut inferius continetur,

448